

## Plenchi

### Bèl a bati

Ate ora a yega. Bèlèm bèlèm yega serka pa nos por reuni riba nos plenchi di skol. Hala bola pa nos por komparti informashon. Spera bo tabatin un bon siman tras di lomba. Si no ta asina, tuma e wikènt aki pa bo relahá i reflekshoná. Prepará bo mes pa un siman nobo, ku fé ku lo e ta mihó ku esun tras di lomba. Konfia den Tata i gradisie pa tur loke bo a siña den e siman ku a pasa i pa e dunambu e forsa i sabiduria, pero espesialmente hopi amor den bo kurason. Tur esaki pa bo por tuma e regalo di un siman mas di bida, pa bo por aktua ku amor i sabiduria di Señor. Si bo tabatin un bon siman, gradisí Tata pa esaki i pidi bendishon pa tur ku di un forma òf otro a kontribui na bo siman. Nos ta kla pa reklamá i zundra kada bes un koi kèns bai malu. Un hende no a dunabu chèns den tráfiiko, e lus a bira kòra nèt ora abo tabatin purá, bo a lubidá bo pan na kas, bo ser kerí a kambia e pasta di dje di lugá i bo no por hañé. Tin asina tantu motibu ku diariamente nos ta reklamá i tin biaha maldishoná. Usa palabranan di maldishon sin para ketu nan poder riba nos bida. Ban stòp di enfoká riba loke ta iritá nos i ban habri wowo pa mira tur e kosnan bon ku nos ta topa den bida, pero nos ta tuma nan pa normal. Nos ser kerí ku tur su defektonan tin asina tantu kosnan bon ku nos no ta duna muestra di apresio pé. Kada bes ku nos haña un fabor serka un otro, nos ta korda pidi un bendishon pa e persona ei i su sernan kerí? No solamente pa bo sernan kerí pero tambe pa deskonosinan ku ta krusa den bo kaminda diariamente. Ke hubo di mira un hende ta kana riba kaya i djis pa grasia pidi Tata bendishoné i yudé ku kualke reto ku e ta enfrentá. Ora un hende traha mal trabou den tráfiiko, en bes di zundra i maldishoná, pidi Tata guia i protekshon pa e persona i tur otro ku e topa den su kaminda.

Anto kada bes ku bo kai den tentashon pa maldishoná pa kos di kèns, of pa kualke kos mes. Reakshoná mesora bèk i pidi pordon pa esaki i kambia bo palabranan den palabranan di bendishon. Bo por hasi tur esaki ku yudansa di bo sernan kerí. Tene un reunion i papia riba esaki i traha un kompromiso ku otro ku boso lo yuda otro den e akshon noble aki. Ora un faya e otro ta korigi bisando, nos ta bendishoná i manda amor. Plenchi ta deseabu un wikènt trankil i di reflekshon. Un siman nobo kargá ku bon intenshon yená ku amor. No warda e amor bin, bo mes mester ta e amor.

## **Not'è riba bòrchi**

**E punto di mas haltu na Radulphus College, motibu pa spant en bier. Riba e pòtretnan e tim di maneho di e skol, huntu ku e arkitekto van sr.van Werkhoven i tambe Minister Jardim i sra. Lombardi direktor finansiero di RKCS.**





## **Den agènda**

### **Fakansi di skol**

- **19 desember pa 4 yanuari**

**Dianan speshal:**

**1 nov. Dia di Santunan**

**2 nov. Dia di defuntunan**

**16 nov. Dia internashonal di toleransha**

**20 nov. dia di internashonal di mucha.**

**27 nov. Kuminsamentu di Advènt**

**1 desèmber dia di enseñansa**

## **Mi ta konta**

### **E eksamen di mas importante.**

**Durante di e di tres semester di skol, un dosente a duna su hóbennan un eksamen di sorpresa. E ultimo pregunta den e eksamen tabata: “Kon yama e señora ku ta hasi limpiesa na skol?”**

**E hóbennan a pensa ku esaki sigur ta un chansá. Nan ta mira e señora tur dia, pero hopi di nan nunca ni a kumindé te pa nan a komersá hamas ku né. Tin por a skibi ku e tabata haltu, delegá, kabei maron skur i mas o menos 50 aña. Pero su nòmber nan niun no tabata sa. Na final di e eskamen un hóben a puntra e dosente si e pregunta ei tambe ta konta pa punto. E dosente a sigurá nan ku esei lo ta e kaso. EL a splikanan asina:**

**“Den boso bida boso lo topa masha hopi hende. Tur ta importante i tur meresé bo atenshon. Maske ta un’bon dia’nan meresé. Despues ku boso tin 5 aña ta mira e señora tur dia. Boso mester sa si ku e yama Ana.”**

**Nunca mas e hóbennan a lubidá e lès ei. For di e dia ei nan tur tabata kumindá Dora tur dia na su nòmber.**

## **Un prechi**

**Dosente i personal di Kolegio Sur Herman Jozef ta sigui kurso pa kon aktua den kaso di kandela. Tremendo training den kua nan a partisipá ku hopi atenshon.**





**Mucha djispou**

**Percy: “Mener nan a atrakami aworei.”**

**Mener: “Kiko nan a kue di bo”**

**Percy: “Tur mi huiswerk di ayera.”**